

T14n0475\_p0552a03(00) || 維摩詰所說經卷下

T14n0475\_p0552a04(00) || 姚秦三藏鳩摩羅什譯

T14n0475\_p0552a05(00) || 香積佛品第十

T14n0475\_p0552c26(05) || 彼諸菩薩問維摩詰：「今世尊釋迦牟尼以何說法？」

T14n0475\_p0552c27(03) || 維摩詰言：「此土眾生剛強難化，

T14n0475\_p0552c28(08) || 故佛為說剛強之語以調伏之。言是地獄、是畜生、是餓鬼，

T14n0475\_p0552c29(03) || 是諸難處，是愚人生處；是身邪行，是身邪行報；

T14n0475\_p0553a01(02) || 是口邪行，是口邪行報；是意邪行，是意邪行報；

T14n0475\_p0553a02(01) || 是殺生，是殺生報；是不與取，是不與取報；

T14n0475\_p0553a03(02) || 是邪淫，是邪淫報；是妄語，是妄語報；是兩舌，

T14n0475\_p0553a04(02) || 是兩舌報；是惡口，是惡口報；是無義語，

T14n0475\_p0553a05(04) || 是無義語報；是貪嫉，是貪嫉報；是瞋惱，是瞋惱報；

T14n0475\_p0553a06(02) || 是邪見，是邪見報；是慳吝，是慳吝報；是毀戒，

T14n0475\_p0553a07(02) || 是毀戒報；是瞋恚，是瞋恚報；是懈怠，是懈怠報；

T14n0475\_p0553a08(01) || 是亂意，是亂意報；是愚癡，是愚癡報；是結戒，

T14n0475\_p0553a09(01) || 是持戒，是犯戒；是應作，是不應作；是障礙，

T14n0475\_p0553a10(02) || 是不障礙；是得罪，是離罪；是淨，是垢；是有漏，

T14n0475\_p0553a11(01) || 是無漏；是邪道，是正道；是有為，是無為；是世間，

T14n0475\_p0553a12(00) || 是涅槃。以難化之人，心如猿猴，

T14n0475\_p0553a13(04) || 故以若干種法，制御其心，乃可調伏。譬如象馬，

T14n0475\_p0553a14(02) || [怡-台+龍]悞不調，加諸楚毒，乃至徹骨，然後調伏。

T14n0475\_p0553a15(02) || 如是剛強難化眾生，故以一切苦切之言，

T14n0475\_p0553a16(03) || 乃可入律。」